

佛說頂生王因緣經卷第一 第二卷 之二

宋西天三藏朝奉大夫試光祿卿傳法大師施護等奉詔譯

佛世尊一時在舍衛國祇樹給孤獨園時憍  
薩羅國主勝軍大王來詣佛所到已頭面禮  
世尊足退坐一面之二白佛言世尊往昔為求阿  
耨多羅三藐三菩提時云何行施作諸福行  
佛言大王且止過去久遠劫事我念於此賢  
劫之中求阿耨多羅三藐三菩提時修布施  
行其事因緣汝當諦聽極善作意今為汝說  
大王此劫初時人壽無量歲爾時有王名布

沙陀其王頂上忽爾肉生如炮而輒如兜羅  
綿又如細氈亦無痛惱彼成熟已自然開裂  
生一童子最上色相端正可觀身如金色頭  
有旋文猶如妙蓋雙臂膈長額廣平正眉復  
延袤鼻高脩直身分上下皆悉具足有三十  
二大丈夫相莊嚴其身童子生已乃入宮中  
王有六萬宮女眷屬見此童子乳自盈流各  
作是言我養太子由是立名呼為我養或有  
說言今此太子從頂上生應名頂生由是乃  
有呼頂生者或號我養者時頂生太子在童

子位嬉戲娛樂經六帝釋滅在太子位復經  
六帝釋滅太子一時出於王宮人民肆里次  
第遊觀乃至後時布沙陀王而忽寢疾侍臣  
奉以華果根苗藥餌治療雖復勤力疾無瘳  
損其王即勅諸臣佐言汝等速為太子授王  
灌頂臣佐受命即遣使人詣太子所謂太子  
言父王寢疾拯療無損呼命太子今可速來  
授王灌頂使届中途王身已謝是時臣佐復  
遣使人接踵而進謂太子言父王已逝太子  
速來授王灌頂時頂生太子即自惟忖父王

已逝奔往何及時諸臣佐眾議一人近侍大  
臣詣太子所白言太子願速來此授王灌頂  
太子答言若我應統正法王位彼當來此為  
我灌頂近臣復言太子授灌頂者多有法儀  
詣應施設寶獅子座七二繒蓋寶冠是等所須此  
何能備禮法又合於王城中作灌頂事是故  
太子宜往宮中授王灌頂太子答言若我應  
統正法王位一切所須今應自至時頂生太  
子有一導翼夜叉神名称舞迦即運神力追  
獅子座繒蓋寶冠一切所須乃至城邑聚落

皆悉置於太子之前一切覩者恠未曾有然後臣佐人民及勝力兵衆等持妙繒帛依灌頂法欲爲太子授其灌頂作是白言太子應授灌頂時太子言我今何用人間繒帛爲灌頂法繫於我頂若我應統正法王位必有天妙繒帛而爲繫頂乃至其後自然天降殊妙繒帛爲灌頂事統輪王位即有七寶隨時出現所謂輪寶象寶馬寶摩尼珠寶玉女寶主藏神寶主兵神寶如是七寶皆悉具足及有千子最上色相勇猛無畏能伏他軍彼時有

城亦號廣嚴城中周帀皆有稠密樹林人所愛樂於其林中有五百仙人棲止修習五神通定是時林間多諸飛鳥鷲鷲等類鳴噪喧煩妨所脩定中一仙人名曰醜面生恚怒心即以呪句呪鷲鷲羣悉折其羽是時折羽鷲鷲循地徐進之二咸詣頂生王門王方三出行適觀門左乃問近臣言何故此鷲鷲羣咸聚門側近臣答言天子羣鳥棲林噪驚禪定仙人恚怒呪折其羽循地而來聚於王門王言此等仙人何故於衆生中心無悲愍今宜勅遣彼

等仙衆速離我境臣佐奉命於仙人所具宣  
王勅時諸仙衆即起是念今此大王統四大  
洲最極自在我宜從命往須彌山側棲止林  
間爾時頂生王漸次思惟觀察稱量人間所  
宜種種事業隨所思惟觀察稱量已各各發  
起人間所有種類事業其王出行初見人間  
耕植田里見已乃問諸侍臣言此人所作名  
爲何等臣白王言天子此人耕耨其田植諸  
種子隨所滋長而爲活命王言我爲聖王何  
假人間耕植滋養自有天中種子生成彼頂

生王纔言念時有二十七類種子自天而降  
其王即問諸人衆言此由何人福力所致人  
衆答言此由天子福力亦兼我等復次彼王  
漸行又見農人種蒔氎衣種子見已乃問諸  
近臣言此人所作名爲何等臣白王言天子  
此人種蒔氎華桂種結實取綿可成氎衣王  
言我爲聖王何假人間植氎衣種自有天中  
妙氎種子纔言念時妙氎衣種自天而降其  
王即問諸人衆言此由何人福力所致人衆  
答言此由天子福力亦兼我等復次彼王漸

行又見農人紡氎衣線見已乃問諸近臣言  
此人所作名爲何等臣白王言天子此人取  
綿紡線將成氎段王言我爲聖王何假人間  
如是造作自有天中妙氎所用纔言念時妙  
氎衣線自天而降其王即問諸人衆言此由  
何人福力所致諸人衆言此由天子福力亦  
兼我等復次彼王漸行又見農人次第織氎  
衣段見已乃問諸近臣言此人所作名爲何  
等臣白王言天子此人布設機杼織氎衣段  
王言我爲聖王何假人間氎衣被身自有天

中妙氎衣飾纔言念時上妙氎衣自天而降  
其王即問諸人衆言此由何人福力所致諸  
人衆言此由天子福力亦兼我等爾時頂生  
王見是事已乃起思念我之福力今於此間  
未能顯發我已統治須彌山南外大海中此  
瞻部洲其內廣闊外如車形人民熾盛安隱  
豐樂又復國土城邑嚴麗所居人衆妙色可  
觀我有七寶所謂輪寶象寶馬寶摩尼珠寶  
玉女寶主藏神寶主兵神寶如是七寶皆悉  
具足又有千子最上色相勇猛無畏能伏他

軍若我有勝力者快哉今時願我宮中雨金錢七日乃至不使一錢墮於宮外王纔念時即於宮中天雨金錢數滿七日無一金錢墮於宮外隨其所作善根福力神通威德自受福果其王即問諸人衆言此由何人福力所致諸人衆言天子福力王言如汝向說兼汝等力何故今時天不雨金滿贍部洲使一切人民隨所欲者悉能取之故知汝等宿因微少佛言大王彼頂生王正法治世又經六帝釋滅復次頂生王謂導翼夜叉神祇舞迦言

何處別有大洲爲我所統祇舞迦答言天子須彌山東外大海中彼有大洲名曰勝身其內廣闊外如半月人民熾盛安隱豐樂又復國土城邑嚴麗所居人衆妙色可觀王應往彼隨宜化導時頂生王即自思惟我已統治此贍部洲及有七寶千子圍繞宮中又雨金錢七日我又復聞須彌山東外大海中有勝身洲我今往彼而爲化導王纔念時舉身空中與十八俱胝勝力兵衆及千子圍繞七寶導從刹那即到東勝身洲大王彼頂生王於

其洲中治化人民多百千歲隨彼衆生各各所作福行善力神通威德自受福果如是又經六帝釋滅復次頂生王謂導翼夜叉神祇舞迦言何處別有大洲爲我所統祇舞迦答言天子須彌山西外大海中彼有大洲名曰牛貨內外周徧其相圓滿人民熾盛安隱豐樂又復國土城邑嚴麗所居人衆妙色可觀王應往彼隨宜化導時頂生王即自思惟我已統治彼瞻部洲七寶千子及兩金錢我復至此東勝身洲治化人民多百千歲今又復

聞須彌山西外大海中有牛貨洲我今往彼而爲化導王纔念時舉身空中與十八俱胝勝力兵衆及千子圍繞七寶導從剎那即到西牛貨洲大王彼頂生王於其洲中治化人民多百千歲隨彼衆生各各所作福行善力之二神通威德自受福果如是又經六帝釋滅復六次頂生王謂導翼夜叉神祇舞迦言何處別有大洲爲我所統祇舞迦答言天子須彌山北外大海中彼有大洲名曰俱盧內外周徧其相四方人民熾盛安隱豐樂又復國土城

邑嚴麗所居人衆妙色可觀又彼洲人無我  
繫著無所攝屬王應往彼隨宜化導時頂生  
王即自思惟我已統治彼瞻部洲七寶千子  
及兩金錢又往東勝身洲而復至此西牛貨  
洲治化人民多百千歲今又復聞須彌山北  
外大海中有俱盧洲我今往彼而爲化導王  
纔念時舉身空中與十八俱胝勝力兵衆及  
千子圍繞七寶導從往詣北俱盧洲剎那即  
到須彌山側其王遙見彼地白色見已即問  
夜叉神祇舞迦言今此方處何故地白祇舞

迦答言天子此是北俱盧洲人所食香稻其  
狀白色香味具足不假耕植自然而生稻長  
四指無芒無秕清淨潔白依時成熟彼洲人  
民不施其力取以食之王今往彼亦取香稻  
而爲其食時王聞已謂臣佐言汝等見此地  
白色不臣白王言唯然已見王言此是北俱  
盧洲人所食香稻其狀白色香味具足不假  
耕植自然而生稻長四指無芒無秕清淨潔  
白依時成熟彼洲人民不施其力取以食之  
汝等往彼亦取香稻而爲其食時頂生王又

於須彌山北遙見衆華嚴樹圓無缺減殊妙  
可觀即問祢舞迦言此是何等衆莊嚴樹祢  
舞迦答言天子此是北俱盧洲人民所有四  
種劫波衣樹謂青黃赤白其樹所出四色妙  
衣彼洲人民若男若女須其衣者纔起心時  
即彼樹枝自然低垂恣其所取王今往彼亦  
被其衣時王聞已謂臣佐言汝等見此衆莊  
嚴樹圓無缺減不臣白王言唯然已見王言  
此是北俱盧洲人民所有四種劫波衣樹謂  
青黃赤白其樹所出四色妙衣彼洲人民若

男若女思其衣者纔起心時即彼樹枝自然  
低垂恣其所取汝等往彼亦被其衣大王彼  
頂生王於北俱盧洲治化人民多百千歲隨  
彼衆生各各所作福行善力神通威德自受  
福果如是又經六帝釋滅復次頂生王謂導  
翼夜叉神祢舞迦言別有方處爲我統不祢  
舞迦答言天子無別方處爲王所統有三十  
三天長壽色相多諸快樂高廣樓閣久固安  
居快哉天子宜往觀矚時頂生王即自思惟  
我已統治彼瞻部洲七寶千子及兩金錢又

往東勝身洲西牛貨洲今又至此北俱盧洲  
 復聞有彼三十三天長壽色相多諸快樂高  
 廣樓閣久固安居我今宜應往彼觀矚王纔  
 念時舉身空中與十八俱胝勝力兵衆及千  
 子圍繞七寶導從往須彌山外七重金山其  
 王初至你民達囉山其山嚴麗殊妙可觀純  
 金所成彼有四大王天諸天子衆往復其間  
 王以勝力兵衆於彼化導又經六帝釋滅次  
 至尾那怛計山其山嚴麗殊妙可觀純金所  
 成彼有四大王天諸天子衆往復其間王以

勝力兵衆於彼化導又經六帝釋滅次至馬  
 耳山其山嚴麗殊妙可觀純金所成彼有四  
 大王天諸天子衆往復其間王以勝力兵衆  
 於彼化導又經六帝釋滅次至善見山其山  
 嚴麗殊妙可觀純金所成彼有四大王天諸  
 天子衆往復其間王以勝力兵衆於彼化導  
 又經六帝釋滅次至佉祢囉迦山其山嚴麗  
 殊妙可觀純金所成彼有四大王天諸天子  
 衆往復其間王以勝力兵衆於彼化導又經  
 六帝釋滅次至持軸山其山嚴麗殊妙可觀

純金所成彼有四大王天諸天子衆往復其  
間王以勝力兵衆於彼化導又經六帝釋滅

佛說頂生王因緣經卷第一

之二

九

佛說頂生王因緣經卷第二

宋西天三藏朝奉大夫試光祿卿傳法大師施護等奉詔譯

復次持軸山後至持雙山其山巖麗殊妙可  
觀純金所成彼有四大王天諸天子衆往復  
其間須彌山王高出衆山此山王東有大天

王名曰持國所居宮城亦號持國其城縱廣  
正等二百五十由旬周匝千由旬內外巖麗  
殊妙可觀城有金牆高半由旬金城之上有  
四女墻金銀瑠璃頗胝迦作復有重墻通往  
來道亦四寶作其城中地又復殊麗奇妙莊  
嚴有百一種綵繪爲飾地復柔軟如兜羅綿  
及妙氎下足墮陷舉足隨起有天曼陀羅華  
散布其地深可膝量香風時來吹去萎華更  
雨新者城中街衢長二百五十由旬闊二十  
五由旬金沙布地觸處徧灑栴檀香水金繩

交絡垂金鈴鐸以界道側街衢左右復有種種清淨池沼金銀瑠璃頗胝迦寶以布其底池之四面有四梯陞四寶所成底及層級亦四寶作又池沼中有四寶臺間錯莊嚴若金為臺即銀為柱及以梁棟若銀為臺即金為柱及以梁棟若瑠璃為臺即頗胝迦為柱及以梁棟若頗胝迦為臺即瑠璃為柱及以梁棟清涼甘美水滿池中優鉢羅華鉢訥摩華俱母陀華奔拏利迦華等徧覆其內復有種種水鳥遊戲池中出妙音聲謂高遠聲悅意

聲美妙聲等彼池周帀復有種種華樹果樹直生端立圓無缺減如結鬘師取以妙線妙巧安布盤結成鬘華果樹林亦復如是彼樹復有種種飛鳥遊止其上出妙音聲謂高遠聲悅意聲美妙聲等又彼宮中有青黃赤白四種劫波衣樹之二其樹所出四色妙衣十若彼天男及天女等思其衣者纔起心時而自至手又彼宮中有其種種妙音樂樹所謂簫笛琴篳篥等若彼天男及天女等思音樂者纔起心時其樂自鳴又彼宮中有其種種妙莊嚴

樹彼樹所出手釧足環及身莊嚴妙好之具  
若彼天男及天女等思莊嚴具者纔起心時  
而自至手又彼宮中有四色酥陀味食謂青  
黃赤白若彼天男及天女等思其食者纔起  
心時而自至手又有四種所飲之漿謂末度  
漿摩達網漿迦譚末黎漿播曩漿等而彼宮  
中有妙莊嚴殿堂樓閣諸天女衆或處其中  
安隱而坐或觀視游行悉有種種乘輿服飾  
莊嚴之具天女駢隘擊鼓奏歌藝衆名香豐  
諸飲食彼持國天王與諸眷屬嬉戲快樂隨

自福力受斯勝果復次須彌山南有大天王  
名曰增長所居宮城亦號增長其城縱廣正  
等二百五十由旬周匝千由旬內外嚴麗殊  
妙可觀城有金牆高半由旬金城之上有四  
女牆金銀琉璃頗胝迦十一作復有重牆通往來  
道亦四寶作其城十二中地殊妙莊嚴有百一種  
絲繪爲飾地復柔軟如兜羅綿及如妙氎下  
足隨陷舉足隨起有天曼陀羅華散布其地  
深可膝量香風時來吹去萎華更雨新者城  
中街衢長二百五十由旬闊二十五由旬金

沙布地觸處徧灑梅檀香水金繩交絡垂金  
鈴鐸以界道側街衢左右復有種種清淨池  
沼金銀瑠璃頗胝迦寶以布其底池之四面  
有四梯陞四寶所成底及層級亦四寶作又  
池沼中有四寶臺間錯莊嚴若金為臺即銀  
為柱及以梁棟若銀為臺即金為柱及以梁  
棟若瑠璃為臺即頗胝迦為柱及以梁棟若  
頗胝迦為臺即瑠璃為柱及以梁棟清涼甘  
美水滿池中優鉢羅華鉢訥摩華俱母陀華  
奔拏利迦華等徧覆其內復有種種水鳥遊

戲其中出妙音聲謂高遠聲悅意聲美妙聲  
等彼池周而復有種種華樹果樹直生端立  
圓無缺減如結鬘師取以妙線妙巧安布盤  
結成鬘華果樹林亦復如是彼樹復有種種  
飛鳥遊止其上出妙音聲謂高遠聲悅意聲  
美妙聲等又彼宮中有青黃赤白四種劫波  
衣樹其樹所出四色妙衣若彼天男及天女  
等思其衣者纔起心時而自至手又彼宮中  
有其種種妙音樂樹所謂簫笛琴箏篴等若  
彼天男及天女等思音樂者纔起心時其樂

自鳴又彼宮中有其種種妙莊嚴樹彼樹所  
出手釧足環及身莊嚴妙好之具若彼天男  
及天女等思莊嚴具者纔起心時而自至手  
又彼宮中有四種酥陀味食謂青黃赤白若  
彼天男及天女等思其食者纔起心時而自  
至手又有四種所飲之漿謂末度漿摩達網  
漿迦譚末梨漿播曩漿等而彼宮中有妙莊  
嚴殿堂樓閣諸天女衆或處其中安隱而坐  
或觀視遊行恣有種種乘輿服飾莊嚴之具  
天女駢隘擊鼓奏歌藝衆名香豐諸飲食彼

十二

十二

增長天王與諸眷屬嬉戲娛樂隨自福力受  
斯勝果復次須彌山西有大天王名曰廣目  
所居宮城亦號廣目其城縱廣正等二百五  
十由旬周匝千由旬內外嚴麗殊妙可觀城  
有金墻高半由旬金城之上有四女墻金銀  
瑠璃頗胝迦作復有重墻通往來道亦四寶  
作其城中地殊妙莊嚴有百一種綵繪爲飾  
地復柔軟如毘羅綿及如妙氎下足隨陷舉  
足隨起有天曼陀羅華散布其地深可膝量  
百風時來吹去萎華更雨新者城中街衢長

二百五十由旬闊二十五由旬金沙布地觸處徧灑栴檀香水金繩交絡垂金鈴鐸以界道側街衢左右復有種種清淨池沼金銀瑠璃頗胝迦寶以布其底池之四面有四梯陞金銀瑠璃頗胝迦作底及層級亦四寶作又池沼中有四寶臺間錯莊嚴若金為臺即銀為柱及以梁棟若銀為臺即金為柱及以梁棟若瑠璃為臺即頗胝迦為柱及以梁棟若頗胝迦為臺即瑠璃為柱及以梁棟清涼甘美水滿池中優鉢羅華鉢訥摩華俱母陀華

奔拏利迦華等徧覆其內復有種種水鳥遊戲池中出妙音聲謂高遠聲悅意聲美妙聲等彼池周匝復有種種華樹果樹直生端立圓無缺減如結髮師取以妙線妙巧安布盤結成鬘華果樹林亦復如是彼樹復有種種飛鳥遊止其上出妙音聲謂高遠聲悅意聲美妙聲等又彼宮中有青黃赤白四種劫波衣樹其樹所出四色妙衣若彼天男及天女等思其衣者纔起心時而自至手又彼宮中有其種種妙音樂樹所謂簫笛琴箏篪等若

彼天男及天女等思音樂者纔起心時其樂自鳴又彼宮中有其種種妙莊嚴樹彼樹所出手釧足環及身莊嚴妙好之具若彼天男及天女等思莊嚴具者纔起心時而自至手又彼宮中有四色酥陀味食謂青黃赤白若彼天男及天女等思其食者纔起心時而自至手又有四種所飲之漿謂末度漿摩達網漿迦譚末黎漿播曩漿等而彼宮中有妙莊嚴殿堂樓閣諸天女衆或處其中安隱而坐或觀視遊行悉有種種乘輿服飾莊嚴之具

天女駢隘擊鼓奏歌藝衆名香豐諸飲食彼廣目天王與諸眷屬嬉戲娛樂隨自福力受斯勝果復次須彌山北有大天王名曰多聞所居宮城號阿拏迦嚩帝其城縱廣正等二百五十由旬周匝千由旬內外嚴麗殊妙可觀城有金墻七二高半由旬金城之上十四有四女墻金銀琉璃頗胝迦作復有重墻通往來道亦四寶作其城中地殊妙莊嚴有百一種綵繪爲飾地復柔軟如兜羅綿及如妙氎下足隨陷舉足隨起有天曼陀羅華散布其地深可

膝量香風時來吹去萎華更雨新者城中街  
衢長二百五十由旬闊二十五由旬金沙布  
地觸處徧灑栴檀香水金繩交絡垂金鈴鐸  
以界道側街衢左右復有種種清淨池沼金  
銀瑠璃頗胝迦寶以布其底池之四面有四  
梯陞金銀瑠璃頗胝迦作底及層級亦四寶  
作又池沼中有四寶臺間錯莊嚴若金為臺  
即銀為柱及以梁棟若銀為臺即金為柱及  
以梁棟若瑠璃為臺即頗胝迦為柱及以梁  
棟若頗胝迦為臺即瑠璃為柱及以梁棟清

涼甘美水滿池中優鉢羅華鉢訥摩華俱毋  
陀華奔拏利迦華等徧覆其內復有種種水  
鳥遊戲池中出妙音聲謂高遠聲悅意聲美  
妙聲等彼池周而復有種種華樹果樹直生  
端立圓無缺減如結鬘師取以妙線妙巧安  
布盤結成鬘華果樹林亦復如是彼樹復有  
種種飛鳥遊止其上出妙音聲謂高遠聲悅  
意聲美妙聲等又彼宮中有青黃赤白四種  
劫波衣樹其樹所出四色妙衣若彼天男及  
天女等思其衣者纔起心時而自至手又彼

之二

十五

宮中有其種種妙音樂樹所謂簫笛琴箏篪等若彼天男及天女等思音樂者纔起心時其樂自鳴又彼宮中有其種種妙莊嚴樹彼樹所出手釧足環及身莊嚴妙好之具若彼天男及天女等思莊嚴具者纔起心時而自至手又彼宮中有四色酥陀味食謂青黃赤白若彼天男及天女等思其食者纔起心時而自至手及有四種所飲之漿謂末度漿摩達網漿迦譚末黎漿播曩漿等而彼宮中有妙莊嚴殿堂樓閣諸天女衆或處其中安隱

而坐或觀視遊行悉有種種乘輿服飾莊嚴之具天女駢隘擊鼓奏歌藝衆名香豐諸飲食彼多聞天王與諸眷屬嬉戲娛樂隨自福力受斯勝果如是又經六、市釋滅復次持雙山側向者五百仙人棲止其間遙見頂生王來時醜面仙人忿恚而言彼鬪諍王又復來此即舉雙手掬水灑彼導翼兵衆遮止前進時主兵神謂仙衆言修淨行者若生忿恚於一切處所作不成今此頂生王是大仁王非汝向者呪力能加時頂生王漸至其所問言

何人遮止兵衆不令前進主兵神答言仙衆  
遮止王言此諸仙衆於諸愛中何爲最上主  
兵神答言仙尊所愛辮髮爲上王言今斷其  
髮悉驅爲我導翼之者王纔言已時彼仙衆  
其髮自斷自然各各手持弓矢將俟前驅時

之二

十六

王女寶前白王言天子此等仙衆是修行者  
願王放捨王言隨意時諸仙衆以精進力故  
證五神通彼頂生王與自勝力兵衆舉身空  
中漸復前進其須彌山出水入水各八萬由  
旬四面各廣八萬由旬周帀三十二萬由旬

下踞金所成地種種嚴麗四寶所成彼須彌  
山有四方面東面頗胝迦所成西面白銀南  
面瑠璃北面黃金又山四角凡有四峯彼東  
南峯縱廣正等一百二十五由旬周帀五百  
由旬高四由旬半瑠璃所成金剛手夜叉神  
止住其中西南峯縱廣正等一百二十五由  
旬周帀五百由旬高四由旬半頗胝迦所成  
金剛手夜叉神止住其中西北峯縱廣正等  
一百二十五由旬周帀五百由旬高四由旬  
半黃金所成金剛手夜叉神止住其中東北

峯縱廣正等一百二十五由旬周匝五百由旬高四由旬半金剛手夜叉神止住其中又須彌山有四層級其第一層傍出一萬六千由旬四寶所成有堅首天居止其中去第二層高一萬由旬其第二層傍出八千由旬四寶所成有持鬘天居止其中去第三層高一萬由旬其第三層傍出四千由旬四寶所成有常憍天居止其中去第四層高一萬由旬其第四層傍出二千由旬四寶所成有四大王天居止其中

佛說頂生王因緣經卷第二

佛說頂生王因緣經卷第三

宋西天三藏朝奉大夫試光祿卿傳法大師旌護等奉 詔譯

復次大王其上即是三十三天所居之處彼有龍王住於水際所謂難陀龍王烏波難陀龍王阿說多哩龍王母啣隣那龍王摩那斯

龍王伊羅鉢怛羅龍王等住壽經劫護持世  
間力無能敵是諸龍王與堅首天持鬘天常  
憍天四大王天同為守護三十三天若阿脩  
羅來鬪戰時即各對敵及為震驚爾時頂生  
王將復前進為諸龍王遮止導翼兵眾王乃  
問言何不進耶時主兵神答言天子此是龍  
王遮止兵眾王言而龍王者旁生之類非我  
所敵今悉驅令為我導翼言已諸龍即導王  
前至堅首天王所彼天王問言汝等何故奔  
馳來此諸龍答言人間有王名曰頂生彼將

至此故我導前時堅首天王即復遮止不令  
前進王乃問言何不進耶主兵神答言天子  
此有堅首天王遮止兵眾王言此堅首天亦  
使為我導翼之者言已彼天即導王前至持  
鬘天王所彼天王問言汝今何故奔馳來此  
天王答言人間有王名曰頂生彼將至此故  
我導前時持鬘天王即復遮止不令前進王  
乃問言何不進耶主兵神答言天子此有持  
鬘天王遮止兵眾王言此持鬘天亦使為我  
導翼之者言已彼天即導王前至常憍天王

所彼天王問言汝今何故奔馳來此天王答  
言人間有王名曰頂生彼將至此故我導前  
時常憍天王即復遮止不令前進王乃問言  
何不進耶至兵神答言天子此有常憍天王  
遮止兵衆王言此常憍天亦使爲我導翼之  
者言已彼天即導王前至四大天王所彼天  
王問言汝今何故奔馳來此天王答言人間  
有王名曰頂生彼將至此故我導前爾時四  
大天王互相議曰此人間王其大福德有大  
名稱我等豈能與相違背言已俱詣帝釋天

主所具陳上事時帝釋天主言此大福德有  
大名稱為我亦不應與相違背言已即持妙闕  
伽瓶前起承迎爾時頂生王遙見須彌山上  
樹林蒼鬱其密如雲聳直紺青色狀殊麗乃  
問導翼夜叉神祇舞迦言前有樹林斯名何  
等祇舞迦答言天子此是之三三十三天中波利  
質多羅樹及俱毗陀羅樹等彼諸天衆夏四  
月中於其樹下五欲娛樂嬉戲自在天子今  
時往彼亦受斯樂時王聞已謂諸臣佐言汝  
等前見樹林如雲紺青不臣佐答言唯然已

見王言此是三十三天中波利質多羅樹及俱毗陀羅樹等彼諸天衆夏四月中於其樹下五欲娛樂嬉戲自在汝等往彼亦受斯樂時頂生王又復前進見須彌山上白雲高起聚若山峯復問祢舞迦言前有白雲聚若高峯斯名何等祢舞迦答言天子此是三十三天中善法之堂彼天子衆與四大天王常共集會思惟觀察稱量世間若天若人諸所有事天子今時宜應往彼其王聞已謂諸臣佐言汝等前見白雲高起聚若山峯不臣佐答

言唯然已見王言此是三十三天中善法之堂彼天子衆與四大天王常共集會思惟觀察稱量世間若天若人諸所有事汝等今時宜應往彼復次須彌山王三十三天中有善見城其城縱廣正等二千五百由旬周匝十千由旬有七重城彼一一城高一由旬半純金所成金城之上一一復有四種女牆金銀瑠璃頗胝迦成復有重牆通往來道亦四寶成彼城中地有百一種綵繪嚴飾又復柔軟如兜羅綿及如妙氎下足隨陷舉足隨起有

天曼陀羅華散布其地深可膝量香風時來  
吹去萎華更雨新者彼善見城有一千一門  
其一門長二由旬半闊半由旬皆以牛頭  
栴檀香木所成彼一一門金銀瑠璃頗胝迦  
寶間錯莊嚴狀如星象及半月相又一門  
各有五百青衣夜叉身被甲冑而作守衛又  
能護持三十三天諸天子衆作諸善利城中  
街衢長二百五十由旬闊十二由旬種種莊  
嚴金沙布地觸處徧灑栴檀香水金繩交絡  
垂金鈴鐸以界道側街衢左右復有種種清

淨池沼金銀瑠璃頗胝迦等以布其底池之  
四面有四梯陛金銀瑠璃頗胝迦成彼池沼  
中有四寶臺金銀瑠璃頗胝迦等間錯莊嚴  
若金爲臺即銀爲柱及以梁棟若銀爲臺即  
金爲柱及以梁棟若瑠璃爲臺即頗胝迦爲  
柱及以梁棟若頗胝迦爲臺即瑠璃爲柱及  
以梁棟清淨甘美水滿池中優鉢羅華鉢訥  
摩華俱母陀華奔拏利迦華等徧覆其內復  
有種種水鳥遊戲池中出妙音聲謂高遠聲  
悅意聲美妙聲等復有種種華樹果樹直生

端立圓無缺減如結蔓師取以妙線妙巧安  
布盤結成蔓華果樹林亦復如是彼樹復有  
種種飛鳥遊止其上出妙音聲又彼城中有  
青黃赤白四色劫波衣樹其樹所出四色妙  
衣若彼天男及天女等思其衣者纔起心時  
而自至手又有種種妙音樂樹所謂簫笛琴  
笙篴等若彼天男及天女等思音樂者纔起  
心時其樂自鳴又有種種妙莊嚴樹彼樹所  
出手釧足環及身莊嚴妙好之具若彼天男  
及天女等思莊嚴具者纔起心時而自至手

又有四色酥陀味食謂青黃赤白若彼天男  
及天女等思其食者纔起心時而自至手又  
有四種所飲之漿謂末度漿摩達網漿迦譚  
末黎漿播曩漿等復有種種殊妙莊嚴殿堂  
樓閣諸天女衆或處其中安隱而坐或觀視  
遊行悉有種種輿輦服用莊嚴之具天女駢  
隘擊鼓奏歌藝衆名香豐諸飲食而彼天衆  
與諸眷屬嬉戲娛樂隨自福力受斯勝果復  
次善見城東二十由旬有園名寶車縱廣正  
等二百五十由旬周匝千由旬內外嚴麗殊

妙可觀園有金牆高半由旬金牆之上有四  
女牆金銀瑠璃頗胝迦成復有重牆通往來  
道亦四寶作其園中地有百一種綵繪嚴飾  
又復柔輦如兜羅綿及如妙氎下足隨陷舉  
足隨起有天曼陀羅華散布其地深可膝量  
香風時來吹去萎華更雨新者寶車園中有  
大池沼縱廣正等五十由旬周匝二百由旬  
金銀瑠璃頗胝迦等以布其底池之四面有  
四梯陞金銀瑠璃頗胝迦成彼池沼中有四  
寶臺金銀瑠璃頗胝迦等間錯莊嚴若金為

臺即銀為柱及以梁棟若銀為臺即金為柱  
又以梁棟若瑠璃為臺即頗胝迦為柱若頗  
胝迦為臺即瑠璃為柱及以梁棟清涼甘美  
水滿池中優鉢羅華鉢訥摩華俱母陀華奔  
那利迦華等徧覆其內復有種種水鳥遊戲  
池中出妙音聲謂高遠聲悅意聲美妙聲等  
復有種種華樹果樹直生端立圓無缺減如  
結鬘師取以妙線妙巧安布盤結成鬘華果  
樹林亦復如是彼樹復有種種飛鳥遊止其  
上出妙音聲觸處皆有青黃赤白四色劫波

衣樹其樹所出四色妙衣又有種種妙音樂  
 樹所謂簫笛琴箏篪等又有種種妙莊嚴樹  
 彼樹所出手釧足環及身莊嚴妙好之具又  
 有四色酥陀味食謂青黃赤白若彼天男及  
 天女等隨所思者纔起心時而皆自至又有  
 四種所飲之漿謂末度漿摩達網漿迦譚末  
 黎漿播囊漿等復有種種殊妙莊嚴殿堂樓  
 閣諸天女衆或處其中安隱而坐或觀視遊  
 行悉有種種輿輦服用莊嚴之具天女駢隘  
 擊鼓奏歌藝衆名香豐諸飲食而彼天衆與

諸眷屬嬉戲娛樂隨自福力受斯勝果園中  
 道路長二十由旬闊半由旬清淨嚴飾金沙  
 布地觸處徧灑栴檀香水金繩交絡垂金鈴  
 鐸道路左右亦有種種華果樹林飛鳥遊戲  
 出妙音聲亦有四色劫波衣樹及音樂樹莊  
 嚴樹等復有四種莊嚴輿輦謂象乘馬乘車  
 乘寶輿若彼天男及天女等思其乘馭往遊  
 戲者纔起心時隨思即至乘已遊行受諸快  
 樂此園何故名爲寶車謂此園中所有池沼  
 華果樹林衣服嚴具及天女等皆以衆寶所

七二

廿三

莊嚴故又有寶車諸天子衆乘馭遊戲以是緣故名寶車園復次寶車園東二十由旬有寶嚴地縱廣正等二百五十由旬周匝千由旬有百一種綵繪嚴飾清淨柔軟其地中間有四寶臺間錯莊嚴天曼陀羅華散布其地道路長二十由旬闊半由旬清淨嚴飾華果樹林衣服音樂莊嚴等樹一一具足亦有輿輦隨思即至受諸快樂彼有天仙修習梵行復次善見城南二十由旬有園名羸堅縱廣正等二百五十由旬周匝千由旬內外嚴麗

殊妙可觀園有金牆高一由旬金牆之上有四女牆金銀瑠璃頗胝迦成復有重牆通往來道亦四寶作其園中地有百一種綵繪嚴飾又復柔軟如兜羅綿及如妙氎下足隨陷舉足隨起有天曼陀羅華散布其地深可膝童香風時來吹去萎華更雨新者羸堅園中有大池沼縱廣正等五十由旬周匝二百由旬金銀瑠璃頗胝迦等以布其底池之四面有四梯陞金銀瑠璃頗胝迦成彼池沼中有四寶臺金銀瑠璃頗胝迦等間錯莊嚴若金

為臺即銀為柱及以梁棟若銀為臺即金為  
柱及以梁棟若瑠璃為臺即頗胝迦為柱及  
以梁棟若頗胝迦為臺即瑠璃為柱及以梁  
棟清涼甘美水滿池中優鉢羅華鉢訥摩華  
俱母陀華奔拏利迦華等徧覆其內復有種  
種水鳥遊戲池中出妙音聲謂高遠聲悅意  
聲美妙聲等復有種種華樹果樹直生端立  
圓無缺減如結髮師取以妙線妙巧安布盤  
結成鬘華果樹林亦復如是彼樹復有種種  
鳥遊止其上出妙音聲觸處皆有青黃赤

白四色劫波衣樹其樹所出四色妙衣又有  
種種妙音樂樹所謂簫笛琴笙篳篥等又有種  
種妙莊嚴樹彼樹所出手釧足環及身莊嚴  
妙好之具又有四色酥陀味食謂青黃赤白  
若彼天男及天女等隨所思者纔起心時而  
皆自至又有四種所飲之漿謂末度漿摩達  
網漿迦譚末梨漿播曩漿等復有種種殊妙  
莊嚴殿堂樓閣諸天女等或處其中安隱而  
坐或觀視遊行悉有種種輿輦服用莊嚴之  
具天女駢隘擊鼓奏歌藝衆名香豐諸飲食

而彼天衆與諸眷屬嬉戲娛樂隨自福力受  
 斯勝果園中道路長二十由旬闊半由旬清  
 淨嚴飾金沙布地觸處徧灑栴檀香水金繩  
 交絡垂金鈴鐸道路左右亦有種種華果樹  
 林飛鳥遊戲出妙音聲亦有四色劫波衣樹  
 及音樂樹莊嚴樹等復有四種莊嚴輦謂  
 象乘馬乘車乘寶輿若彼天男及天女等思  
 其乘馭往遊戲者纔起心時隨思即至乘已  
 遊行受諸快樂此園何故名爲羸堅謂此園  
 中所有池沼華果樹林衣服嚴具及天女等

之二

十五

永樂北藏

頂生王因緣經

悉羸堅故又此園中諸天子衆若身若心皆  
 悉羸猛而好鬪戰由是緣故名羸堅園

佛說頂生王因緣經卷第三

音釋

咆皮教切 脯丑凶切 衰莫候切 餌忍止切 瘳  
 丑鳩切 禰乃里切 杼文呂切 穉補履切 繪胡對切  
 病禰也 禰梵語也 杼此云水玉即蒼玉 穉成栗也  
 頗胝迦梵語也 陸普禾切 釧張尼切 環胡關切 駢胡關切  
 文萎邕危切 陸階部也 釧切 環切 駢切

永樂北藏

頂生王因緣經

第七二册

蒲眠切駢  
 聯不絕也  
 也辯婢典切  
 編也切  
 隘么解切  
 隘也切  
 藝儒劣切  
 燒也切  
 蓊草鳥孔切  
 蓊木成貌  
 掬居六切  
 兩手奉

佛說頂生王因緣經卷第四第五第六同卷之三

宋西天三藏朝奉大夫試光祿卿傳法大師施護等奉詔譯

復次羸堅園南二十由旬有羸堅地縱廣正等二百五十由旬周匝千由旬有百一種綵繪嚴飾清淨柔軟其地中間有四寶臺間錯莊嚴天曼陀羅華<sub>之</sub>散布其地道路長二十由旬闊半由旬清淨嚴飾華果樹林衣服音樂莊嚴等樹一一具足亦有輿輦隨思即至受諸快樂彼有天仙修習梵行復次善見城西二十由旬有園名雜種縱廣正等二百五十

由旬周匝千由旬內外嚴麗殊妙可觀園有金墻高一由旬金墻之上有四女墻金銀瑠璃頗胝迦成復有重墻通往來道亦四寶作其園中地有百一種綵繪嚴飾又復柔軟如兜羅綿及如妙氎下足隨陷舉足隨起有天曼陀羅華散布其地深可膝量香風時來去萎華更雨新者雜種園中有大池沼縱廣正等五十由旬周匝二百由旬金銀瑠璃頗胝迦等以布其底池之四面有四梯陞金銀瑠璃頗胝迦成彼池沼中有四寶臺金銀瑠

瑠璃瓶迦等間錯莊嚴若金為臺即銀為柱  
及以梁棟若銀為臺即金為柱及以梁棟若  
瑠璃為臺即頗胝迦為柱及以梁棟若頗胝  
迦為臺即瑠璃為柱及以梁棟清涼甘美水  
滿池中優鉢羅華鉢訥摩華俱母陀華奔擊  
利迦華等徧覆其內復有種種水鳥遊戲池  
中出妙音聲謂高遠聲悅意聲美妙聲等復  
有種種華樹果樹直生端立圓無缺減如結  
鬘師取以妙線妙巧安布盤結成鬘華果樹  
林亦復如是彼樹復有種種飛鳥遊止其上

出妙音聲觸處皆有青黃赤白四色劫波衣  
樹其樹所出四色妙衣又有種種妙音樂樹  
所謂簫笛琴箏篪等又有種種妙莊嚴樹彼  
樹所出手釧足環及身莊嚴妙好之具又有  
四色酥陀味食謂青黃赤白若彼天男及天  
女等隨所思者纔起心時而皆自至又有四  
種所飲之漿謂末度漿摩達網漿迦譚末黎  
漿播囊漿等復有種種殊妙莊嚴殿堂樓閣  
諸天女等或處其中安隱而坐或觀視遊行  
悉有種種輿輦服用莊嚴之具天女駢隘擊

鼓奏歌藝衆名香豐諸飲食而彼天衆與諸眷屬嬉戲娛樂隨自福力受斯勝果園中道路長二十由旬闊半由旬清淨嚴飾金沙布地觸處徧灑梅檀香水金繩交絡垂金鈴鐸道路左右亦有種種華果樹林飛鳥遊戲出妙音聲亦有四色劫波衣樹及音樂樹莊嚴樹等復有四種莊嚴輿輦謂象乘馬乘車乘寶輿若彼天男及玉女等思其乘馭往遊戲者纔起心時隨思即至乘已遊行受諸快樂此園何故名爲雜種謂此園中所有池沼華

果樹林衣服嚴具及天女等種種雜故又此園中諸天子衆以雜種類嬉戲娛樂由是緣故名雜種園復次雜種園西二十由旬有雜種地縱廣正等二百五十由旬周匝千由旬有百一種綵繪嚴飾清淨柔軟其地中間有四寶臺間錯莊嚴之三天曼陀羅華散布其地道路長二十由旬闊半由旬清淨嚴飾華果樹林衣服音樂莊嚴等樹一一具足亦有輿輦隨思即至受諸快樂彼有天仙修習梵行復次喜見城北二十由旬有園名歡喜縱廣正

等二百五十由旬周匝千由旬內外嚴麗殊妙可觀園有金牆高一由旬金牆之上有四女牆金銀瑠璃頗胝迦成復有重牆通往來道亦四寶作其園中地有百一種綵繪嚴飾又復柔軟如兜羅綿及如妙毼下足隨陷舉足隨起有天曼陀羅華散布其地深可膝量香風時來吹去萎華更雨新者歡喜園中有大池沼縱廣正等五十由旬周匝二百由旬金銀瑠璃頗胝迦等以布其底池之四面有四梯陞金銀瑠璃頗胝迦成彼池沼中有四

寶臺金銀瑠璃頗胝迦等間錯莊嚴若金爲臺即銀爲柱及以梁棟若銀爲臺即金爲柱及以梁棟若瑠璃爲臺即頗胝迦爲柱及以梁棟若頗胝迦爲臺即瑠璃爲柱及以梁棟清淨甘美水滿池中優鉢羅華鉢訥摩華俱母陀華奔拏利迦華等徧覆其內復有種種水鳥遊戲池中出妙音聲謂高遠聲悅意聲美妙聲等復有種種華樹果樹直生端立圓無缺減如結髮師取以妙線妙巧安布盤結成鬘華果樹林亦復如是彼樹復有種種飛

鳥遊止其上出妙音聲觸處皆有青黃赤白  
四色劫波衣樹其樹所出四色妙衣又有種  
種妙音樂樹所謂簫笛琴箏篪等又有種種  
妙莊嚴樹彼樹所出手釧足環及身莊嚴妙  
好之具又有四色酥陀味食謂青黃赤白若  
彼天男及天女等隨所思者纔起心時而皆  
自至又有四種所飲之漿謂末度漿摩達網  
漿迦譚末梨漿播曩漿等復有種種殊妙莊  
嚴殿堂樓閣諸天女等或處其中安隱而坐  
或觀視遊行悉有種種輿輦服用莊嚴之具

天女駢陸擊鼓奏歌藝衆名香豐諸飲食而  
彼天衆與諸眷屬嬉戲娛樂隨自福力受斯  
勝果園中道路長二十由旬闊半由旬清淨  
嚴飾金沙布地觸處徧灑栴檀香水金繩交  
絡垂金鈴鐸道路左右亦有種種華果樹林  
飛鳥遊戲出妙音聲亦有四色劫波衣樹及  
音樂樹莊嚴樹等復有四種莊嚴輿輦謂象  
乘馬乘車乘寶輿若彼天男及天女等思其  
乘馭往遊戲者纔起心時隨思即至乘已遊  
行受諸快樂此園何故名爲歡喜謂此園中

所有池沼華果樹林衣服嚴具及天女等彼  
 諸天衆隨所受用嬉戲娛樂隨自福力心生  
 適悅歡喜快樂以是緣故名歡喜園復次歡  
 喜園北二十由旬有歡喜地縱廣正等二百  
 五十由旬周匝千由旬有百一種綵繪嚴飾  
 清淨柔軟其地中間有四寶臺間錯莊嚴天  
 曼陀羅華散布其地道路長二十由旬闊半  
 由旬清淨嚴飾華果樹林衣服音樂莊嚴等  
 樹一一具足亦有輿輦隨思而至受諸快樂  
 彼有天仙修習梵行復次善見天城東北有

樹名波利質多羅俱毗陀羅其樹盤根五十  
 由旬一一樹枝出五十由旬彼第一枝東出  
 五十由旬第二枝南出五十由旬第三枝西  
 出五十由旬第四枝北出五十由旬中枝上  
 出高聳虛空五十由旬其樹高一百五十由  
 旬徑五十由旬周匝三百由旬妙香順風聞  
 百由旬逆風五十由旬色光明照八十由旬  
 枝葉華果開落依時所有三十三天衆若見  
 此樹半努鉢羅輸時心生歡喜彼諸天衆遊  
 行戲樂其樹非久又見尸蘭拏鉢羅輸彼諸

天衆心生歡喜遊行戲樂其樹非久又見惹  
羅迦惹觀彼諸天衆心生歡喜遊行戲樂其  
樹非久又見又囉迦惹觀彼諸天衆心生歡  
喜遊行戲樂其樹非久又見骨砧摩羅迦惹  
觀彼諸天衆心生歡喜遊行戲樂其樹非久  
又見迦迦寫寫惹觀彼諸天衆心生歡喜遊  
行戲樂其樹非久又見芳盛普徧開敷彼諸  
天衆見是波利質多羅俱毗陀羅樹徧開敷  
已心生歡喜夏四月中於其樹下五欲娛樂  
嬉戲自在隨自福力受斯勝果佛言大王福

威力故彼三十三天中波利質多羅俱毗陀  
羅樹勝異如是復次三十三天波利質多羅  
俱毗陀羅樹下有雜飾地縱廣正等五十由  
旬周布二百由旬殊麗可觀有百一種綵繪  
嚴飾清淨柔軟如兜羅綿及如妙氎下足隨  
陷舉足隨起之三天曼陀羅華散布其地香風時  
來吹去萎華更雨新者其中布以純金所成  
最勝賢座帝釋天主處于座上彼三十三天  
諸天子衆夏四月中遊止其間五欲娛樂嬉  
戲自在又復雜飾柔軟周布於地復有種種

華樹果樹直生端立圓無缺減如結鬘師取以妙線妙巧安布盤結成鬘華果樹林亦復如是有衆飛鳥遊止其上出妙音聲又有四色劫波衣樹其樹所出四色妙衣又有種種妙音樂樹所謂簫笛琴箏篪等又有種種妙莊嚴樹彼樹所出手釧足環及身莊嚴妙好之具又有四色酥陀味食謂青黃赤白若彼天男及天女等隨所思者而皆自至又有四種所飲之漿謂末度漿摩達網漿迦譚末梨漿播曩漿等復有種種殊妙莊嚴殿堂樓閣

諸天女等或處其中安隱而坐或觀視遊行悉有種種輿輦服用莊嚴之具天女駢隘擊鼓奏歌藝衆名香豐諸飲食而彼天衆與諸眷屬夏四月中五欲娛樂嬉戲自在隨自福力受斯勝果

之三

六

佛說頂生王因緣經卷第四

佛說頂生王因緣經卷第五

宋西天三藏朝奉大夫試光祿卿傳法大師苑護等奉詔譯

復次三十三天有大象王名愛囉嚩拏守衛  
園苑身相可觀純色潔白如俱母陀華七支  
拄地象王頭相最勝妙好內赤外青如帝青  
色具有六牙身長二由旬半前後平闊各一  
由旬周匝七由旬高一由旬半又彼象王有  
八十象而為眷屬身皆白色如俱母陀華七  
支拄地一一象頭具足色相亦如帝青各有  
六牙若彼天眾思出遊賞諸園苑時其愛囉

嚩拏象王即自知時應彼所欲乃神力出  
三十二頭其一頭各有六牙一牙上有  
七七池沼一一池沼有七七蓮華一一華中  
有七七臺一一臺中有七七樓閣一一樓閣  
中有七七守衛者一一守衛者有七七天女  
一一天女有七七侍女一一侍女鳴七七天  
鼓而象王所有最勝頭相帝釋御之其三十  
二天於所化頭如次安處餘諸天眾隨應而  
住象王行時迅猶風轉天子天女皆悉不能  
瞻其前後又復愛囉嚩拏象王乘載天眾周

行三十三天中出一城至一一園皆以神通變化之力攝自本形如諸天子天女神通威德之相同彼天衆五欲娛樂嬉戲自在隨應福力受斯勝果佛言大王彼三十三天守護園苑者愛囉嚩拏象王威力如是復次之三善見天城西南有善法堂長三百由旬闊共三百由旬周帀九百由旬高三百五十由旬殊麗可觀其善法堂以頗胝迦為地樓閣梯陛亦頗胝迦所成有四寶臺金銀瑠璃頗胝迦等間錯莊嚴若金為臺即銀為柱及以梁

棟若銀為臺即金為柱及以梁棟若瑠璃為臺即頗胝迦為柱及以梁棟若頗胝迦為臺即瑠璃為柱及以梁棟又善法堂道路回還清淨嚴飾金沙布地觸處徧灑栴檀香水金繩交絡垂金鈴鐸以界道側復有種種華樹果樹直生端立圓無缺減如結蔓師取彼妙線妙巧安布盤結成蔓華果樹林亦復如是彼樹復有種種飛鳥遊止其上出妙音聲又有青黃赤白四色劫波衣樹其樹所出四色妙衣又有種種妙音樂樹所謂簫笛琴篳篥

等又有種種妙莊嚴樹彼樹所出手釧足環  
及身莊嚴妙好之具又有四色酥陀味食謂  
青黃赤白又有四種甘美之漿謂末度漿摩  
達網漿迦譚末黎漿播曩漿等若彼天男及  
諸天女隨所思者纔起心時而皆自至復有  
種種殊妙莊嚴殿堂樓閣諸天女衆或處其  
中安隱而坐或觀視遊行悉有種種輿輦服  
用莊嚴之具天女駢隘擊鼓奏歌藝衆名香  
豐諸飲食而彼天衆與諸眷屬嬉戲娛樂隨  
自福力受斯勝果又善法堂側有七流渠各

各深廣一由旬量金銀瑠璃頗胝迦等以布  
其底渠水四面有四梯陛亦四寶成及四寶  
臺金銀瑠璃頗胝迦等間錯莊嚴若金爲臺  
即銀爲柱及以梁棟若銀爲臺即金爲柱及  
以梁棟若瑠璃爲臺即頗胝迦爲柱及以梁  
棟若頗胝迦爲臺即瑠璃爲柱及以梁棟而  
彼渠水清涼甘美充滿其中優鉢羅華鉢訥  
摩華俱母陀華奔拏利迦華等徧布其內復  
有種種水鳥遊戲出妙音聲華果樹林衣服  
音樂莊嚴等樹一一具足是七渠內復有種

種殊麗亭臺彼諸天衆遊戲快樂又善法堂  
其門崇麗上有重閣傍列梯陛殊妙莊嚴一  
一梯陛有十六柱及有七重道路行列回環  
於道路傍有八角柱瑠璃所成清淨嚴好上  
布如毛端量微妙樓閣不相觸礙於善法堂  
中有最勝賢座純金所成帝釋天主安處其  
上餘諸天衆如次設座最後安布頂生王座  
爾時帝釋天主與諸天衆持闍伽餅前起承  
迎彼頂生王時頂生王大威德者依次而入  
餘諸侍從各列于外王乃惟忖我今亦應處

是座耶又念帝釋天主若分半座命我同坐  
豈不快哉佛言大王彼頂生王作是念時帝  
釋即知乃分半座命其同坐時頂生王與帝  
釋天主共處其座大小身相容止威光音聲  
語言及莊嚴具悉無有別唯王目瞬異於天  
主佛言大王彼頂生王止于三十三天如是  
又經六帝釋滅  
復次後時彼三十三天衆與阿脩羅而共鬪  
戰若阿脩羅兵力退敗即入自宮扃鑰其門  
潛伏而住若天退敗即入天宮扃鑰其門潛

伏而住復次三十三天又有象王名曰善住  
身相可觀純色潔白如俱母陀華七支柱地  
象王頭相內赤外青如帝青色具有六牙身  
長二由旬半前後平闊各一由旬周匝七由  
旬高一由旬半有八千象而爲眷屬身皆白  
色如俱母陀華七支柱地一一象頭具足色  
相亦如帝青各有六牙其善住象王冬四月  
中與自眷屬於阿脩羅所居之處鄰近棲止  
復次香醉山北二十由旬近阿脩羅所居之  
處有一高阜縱廣正等五十由旬周匝二百

由旬高三由旬半純金所成其地嚴飾布以  
金沙觸處徧灑梅檀香水金繩交絡垂金鈴  
鐸自然除去荆棘沙磧於其四面復有八千  
諸小丘阜亦金所成地布金沙觸處徧灑梅  
檀香水金繩交絡垂金鈴鐸自然除去荆棘  
沙磧其中道路長二十由旬闊一由旬半皆  
悉清淨嚴麗可觀若善住象王夏四月中於  
彼高阜之處隨棲止時而彼八千諸象眷屬  
亦悉次第圍繞而住爲其象王密以守護復  
次高阜之南二十由旬有大娑羅樹王名曰

善住七重行列衆娑羅樹周而圍繞其善住  
樹王盤根十四磔手第一行樹盤根十三磔  
手第二行樹十二磔手第三行樹十一磔手  
第四行樹十磔手量第五行樹九磔手量第  
六行樹八磔手量第七行樹七磔手量善住  
樹王枝葉繁茂鬱密垂覆第一行樹第一行  
樹還復垂覆第二行樹如是第三乃至第六  
次第垂覆第七行樹枝葉扶踈高出寥廓其  
地清淨嚴麗可觀彼中道路長二十由旬闊  
一由旬半亦悉清淨若時善住象王從棲止

處往彼善住娑羅樹王之所或起本形隨意  
而往或以神通威德之力現天人相還乘一  
象或御其肩或御其頭自然空中鼓樂歌音  
遊戲而行若復象王於樹王所隨棲止時即  
徃八千諸象眷屬於七重行列娑羅樹間內  
向而住如其第一行樹內向而住第二第三  
乃至第七內向亦然爲其象王密以守護復  
次善住娑羅樹王之東二十由旬有大池沼  
名滿陀吉你縱廣正等五十由旬周而二百  
由旬清涼甘美水滿池中優鉢羅華鉢訥摩

華俱母陀華奔孛利迦華等徧布其內水鳥  
遊戲出妙音聲謂高遠聲悅意聲美妙聲等  
池中蓮華大若車輪華莖復大如車之輓葉  
妙而廣同牛王領其藕臍圓如士夫胫藕味  
最上其甘如乳池之四面復有八千池沼而  
悉嚴麗池水充滿亦有妙華徧布其內水鳥  
遊戲出妙音聲池中蓮華大如車輪莖葉及  
根亦悉廣大復次彼中道路長二十由旬闊  
一由旬半嚴麗清淨金沙布地觸處徧灑旃  
檀香水金繩交絡垂金鈴鐸自然除去荊棘

之三

十二

沙磔若時善住象王從善住娑羅樹王之所  
往彼滿陀吉你池沼或起本形隨意而往或  
以神通之力現天人相還乘一象或御其肩  
或御其頭自然空中鼓樂歌音遊戲而行若  
復象王入彼池中娛樂之時所有八千諸象  
眷屬亦於其中圍繞而住為其象王常以守  
護復次善住象王於其池內恣娛樂已憇於  
池岸時八千象中最上首者即入池內取以  
藕芽浣滌潔淨奉象王前而供飼之象王食  
已飽滿豐足諸象眷屬次第還入彼池沼中

各各隨意共嬉戲已亦取藕芽滌淨而食佛  
言大王彼三十三天所有善住象王威力如  
是復次其後彼阿脩羅嚴整四兵所謂象兵  
馬兵車兵步兵而被四種堅固甲冑金銀瑠  
璃頗胝迦等間錯莊嚴執持四種鋒銳器仗  
謂弓劍槍刀之十三從自宮出求與三十三天衆而  
共鬪戰時水居龍王見是阿脩羅嚴四兵衆  
被以甲冑執持利器出阿脩羅宮求天鬪戰  
龍王見已亦整四兵被以甲冑金銀瑠璃頗  
胝迦等四寶莊嚴執持器仗與阿脩羅而共

鬪戰若龍王得勝阿脩羅衆退敗之時其阿  
脩羅即入自宮若阿脩羅得勝龍王退敗之  
時是即三十三天第一守護者兵力破敗乃  
從大海奔詣須彌山王第一層級彼有堅首  
天王止住其間爾時堅首天王乃與水居龍  
王合集同力而共戰彼阿脩羅衆若二守護  
者得勝阿脩羅衆退敗之時即入自宮若阿  
脩羅得勝彼二守護者退敗之時是即三十  
三天二守護者兵力破散乃從須彌山王第  
一層級詣第二層彼有持鬘天王止住其間

佛說頂生王因緣經卷第五

佛說頂生王因緣經卷第六

宋西天三藏朝奉大夫說光祿卿僧正大師施護等奉 詔譯

爾時持鬘天王堅首天王水居龍王三守護者合集同力與阿脩羅而共鬪戰若三守護者得勝阿脩羅衆退敗之時即入自宮若阿

脩羅得勝三守護者退敗之時是即三十三天三守護者兵力破散乃從須彌山王第二層級詣第三層彼有常憍天王止住其間爾時常憍天王持鬘天王堅首天王水居龍王合集同力與阿脩羅而共鬪戰若四守護者得勝阿脩羅衆退敗之時即入自宮若阿脩羅得勝四守護者退敗之時是即三十三天四守護者兵力破散乃從須彌山王第三層級詣第四層彼有四大天王止住其間爾時四大天王常憍天王持鬘天王堅首天王水

居龍王合集同力與阿脩羅而共鬪戰若五  
守護者得勝阿脩羅衆退敗之時即入自宮  
若阿脩羅得勝五守護者退敗之時是即三  
十三天五守護者兵力破散乃從須彌山王  
第四層級上起至于三十三天帝釋居處迄  
至最後阿脩羅衆戰敵破散五護兵已復整  
四兵詣帝釋所以求鬪戰爾時四大天王即  
詣帝釋宮中到已白言天主阿脩羅衆嚴以  
四兵力來求戰天中五護破散奔馳于今還  
來至天主所彼衆強勝我等不加天主今時

願施戰力爾時帝釋天主聞是語已告三十  
三天衆言仁等當知阿脩羅衆強力鬪敵五  
護破散還復來此求戰於我仁等今時宜施  
勇力爾時帝釋天主即起是念善住象王所  
應乘御時善住象王知天主念譬如壯士屈  
伸臂頃於瞻部洲所居處隱詣三十三天乃  
現三十二頭其一頭各有六牙一一牙上  
有七七池沼一一池沼有七七蓮華一一華  
中有七七臺一一臺中有七七樓閣一一樓  
閣中有七七守衛者一一守衛者有七七天

女一一天女有七七侍女一一侍女鳴七七  
天鼓而象王所有最勝頭相帝釋御之其三  
十二天於所化頭如次安處餘諸天衆隨應  
而住象王行時迅猶風轉天子天女皆悉不  
能瞻其前後時善住象王至三十三天已出  
于南門詣羸堅圍以自神力現天人相與諸  
天衆嬉戲娛樂爾時帝釋天主乘御象王嚴  
整四兵悉被四寶莊嚴甲冑執持四種鋒銳  
器仗將與阿脩羅衆而共鬪戰時頂生王見  
斯事已白帝釋言天主汝今且置戰事我欲

與之較其兵力天主答言隨汝所欲今正是  
時時頂生王與十八俱胝勝力兵衆上升空  
中調弓振弦迅發其聲阿脩羅衆聞是聲已  
問言何人振弦之聲智者答曰是頂生王振  
弦之聲時阿脩羅心生驚異又復法爾阿脩  
羅衆與天戰時兵力齊等無所增減其頂生  
王纔出兵衆勇力强勝過阿脩羅升空而住  
時阿脩羅作是念言我久聞其人中王者名  
曰頂生勇猛正士具大福德威德特尊無與  
等者高出虛空踰於我等作是言已即懷怯

怖退入自宮時頂生王問臣佐言今此兵衆孰爲勝耶臣佐各言王今得勝王輒思念而我勝此三十三天我已統治南瞻部洲東勝身洲西牛貨洲北俱盧洲具足七寶及有千子最上色相勇猛無畏能伏他軍又於宮中之三十六兩金錢七日復至三十三天入帝釋宮登善法堂處于半座若帝釋天主於此座中即謝世去我統天界亦爲人王天人中勝豈不快哉其王纔起念時神通威力即便滅失還復墮於瞻部洲中本居宮室旋生病惱逼切其

身加復羸困近死邊際是時臣佐之中有耆年上首者前詣王所而白王言天子後或有人來發問言頂生大王臨謝世時有何言說當云何答王謂之曰我謝世後或有人來發是問時汝應答云頂生大王威德特尊七寶具足獨具人中四種神力何等爲四頂生大王得壽命長久住世間總經一百一十有四帝釋謝滅是爲第一壽命神力又頂生王最上容儀殊妙可觀超人狀貌具天色相是爲第二色相神力又頂生王諸所受用皆悉具

足少病少惱色力康強飲噉味全食銷無患  
不冷不熱時序合度隨所資治悉獲安樂是  
為第三無病神力又頂生王一切人衆見者  
愛樂瞻仰無厭猶子戀父又復王者撫育人  
民生喜樂心如父愛子或時王出遊觀園苑  
謂御者言汝可徐徐駕車而進使其容緩人  
獲觀瞻又復衆人告御者曰仁者駕車幸當  
徐進令我盤桓覩王相好是為第四愛樂神  
力又頂生王統四大洲為最勝主後詣三十  
三天帝釋分其半座具如是事復於五欲不

生厭足將謝世時說伽陀曰

苦哉世間貪欲境 金寶雖豐無厭足  
是中樂少苦還多 智者如應能覺了  
乃至天中妙欲樂 貪愛心故不解脫  
何人能盡於愛源 唯佛如來聖弟子  
假使廣積其真金 與須彌山量齊等  
無人能生厭足心 智者於斯而善覺  
若思所欲為苦因 彼於欲境何貪愛  
貪等是為世所憂 智者調伏應善學  
佛言大王彼頂生王以是緣故又作是說諸

世間人少能於其五欲境中覺了知足後趣  
命終而世間人多於五欲境中不能覺了不  
生厭足後趣命終復次頂生王廣為利益於  
後人故復說伽陀曰

極惡生死流轉中 了知壽命隨減少

應當速修諸福門 不修福行斯為苦

是故修福為勝欲 隨應行施如法儀

此世及於他世中 由修福故生歡喜

爾時國中一切人民無數百千之眾聞王寢  
疾悉來奔詣瞻仰致問時頂生王為諸人眾

以如是種貪欲等緣廣說對治使諸人輩捨  
家學道是時即有無數百千人眾聞所說已  
而悉出家修四梵行復有多人斷除欲貪生  
于梵世佛言大王彼頂生王始自初居童子  
之位及南瞻部洲東勝身洲西牛貨洲北俱  
盧洲統輪王位又於七金山住乃至詣彼三  
十三天歷諸分位於其中間總經一百一十  
有四帝釋謝滅大王當知帝釋壽量者人間  
百年三十三天為一晝夜三十晝夜而為一  
月亦十二月乃成一年天中千年是彼壽量

以彼千年校計人間卽三俱胝六百萬歲復次大王其頂生王昔於三十三天起念欲其帝釋天主分于半座是時迦葉苾芻方爲帝釋又頂生王復起是念若帝釋天主於此座中卽謝世去天上人間我爲王者豈不快哉是時迦葉如來爲帝釋天主其頂生王具大勝福有大名稱於一念中起心過失滅沒神通還復退墮疾惱所纏而謝世去佛言大王彼頂生王者豈異人乎卽我身是我於爾時廣施衆生利益安樂趣無上智然於阿耨多

羅三藐三菩提多諸魔障由因緣力之使然故爾時憍薩羅國主勝軍大王忽生疑念前白佛言世尊彼頂生王久遠因中修何行業而能感此宮中自然兩金錢七日佛言大王過去久遠有佛出世號一切增上如來應供之三正等正覺明行足善逝世間解無上士調御十九丈夫天人師佛世尊是時有長者子於彼國中與一童女依世法儀媾夫婦事其婦持以四寶所成妙華及甘美飲饌而奉於夫受已持是寶華乘車而歸於其中路見彼一切增

上如來應供正等正覺次第經遊庠序而行  
其長者子見佛世尊三十二相殊妙莊嚴即  
起最上清淨信樂下車肅恭持華奉獻以佛  
世尊威神力故即變其華大如車輪盤旋空  
中或飄或止時長者子起清淨心說伽陀曰

以此布施廣大因 得佛世間自然智  
願我速越生死流 先佛未度者皆度  
一切增上佛大僊 我所奉上悅意華  
願我以此廣大因 圓滿所求無上道  
佛言大王彼頂生王以是因故於自宮中兩

金錢七日爾時勝軍大王復白佛言世尊彼  
頂生王又以何緣於四大洲統輪王位乃能  
至于三十三天佛言大王過去久遠有佛出  
世號毗婆尸如來應供正等正覺明行足善  
逝世間解無上士調御丈夫天人師佛世尊  
是佛以其正法教化衆生次第至于滿度摩  
帝城一時如來入城乞食時有商主名曰廣  
作見於如來巡行乞食勝相希有發清淨心  
持少綠豆擲置鉢內以奉世尊時豆四粒入  
于鉢中一粒旋轉擊鉢振聲然後墮地餘豆

